

## ТИББИЁТДА ҚЎЛЛАНИЛИШИГА ДОИР ЙЎРИҚНОМА ВИПРОСАЛ В®

**Препаратнинг савдо номи:** Випросал В®

**Дори шакли:** ташқи қўллаш учун суртма.

**Таркиби:**

1 г суртма қуйидагиларни сақлайди:

*фаол моддалар* – 0,05 СБ қурук ҳолдаги оддий қора илон захари, 30 мг рацемик камфора, 30 мг игна баргли дарахтларнинг смолали елимидан тайёрланган скипидар ва 10 мг салицил кислотаси;

*ёрдамчи моддалар:* вазелин, цетостеарил спирти, қаттиқ парафин, натрий цетилстеарилсульфати, глицерол, натрий хлориди ва тозаланган сув.

**Таърифи:** камфора ва скипидар ҳидли оқ рангдаги ёки бир оз сарғиш оқ рангли суртма.

**Фармакотерапевтик гуруҳи:** бўғим ва мушак оғриқларида маҳаллий қўллаш учун воситалар.

**АТХ коди:** M02AX

### **Фармакологик хусусиятлари**

#### **Фармакодинамикаси**

Фосфолипаза, фосфодиэстераза, гиалуронидаза ва бошқа фаол моддаларни сақловчи оддий қора илон захари (*Vipera berus berus*) суртманинг асосий фаол моддаси бўлиб ҳисобланади. Қора илон захари шунингдек гемолиз сабабчиси бўлган, капиллярларнинг ўтказувчанлигини оширадиган, қон ивишига таъсир кўрсатадиган ўзига хос таъсирдаги пептидларни ҳам сақлайди. Маҳаллий қўлланилганида қора илон захари қўзғатувчи ва оғриқни қолдирувчи таъсир кўрсатади.

Суртманинг сезувчан нерв тугунларини қўзғатувчи бошқа фаол моддалари маҳаллий қўзғатувчан ва оғриқни қолдирувчи таъсир кўрсатади. Терининг маҳаллий қўзғатиш орқа мия мувофиқ сегментида антиноцицептив тизимининг қўшимча фаоллаштиришини чақириши мумкин, бу бирламчи оғриқ импульсларни бош мия пўслоғига эришишга ва оғриқ сезишга тўсқинлик қилади. Камфоранинг оғриқ қолдирувчи таъсиридан ташқари, салицил кислотаси ва игна баргли дарахтларнинг смолали елимидан тайёрланган скипидар шунингдек антисептик таъсирга, салицил кислотаси эса кератолитик таъсирга ҳам эга.

#### **Фармакокинетикаси**

Суртма тезда сўрилади ва бир неча минутдан кейин терининг ачишиши, енгил гиперемияси ва иссиқлик ҳисси юзага келади. Оғриқни қолдирувчи таъсири 20-30 минут ўтгач юз беради ва 1,5-2 соат давом этади.

### **Қўлланилиши**

Кучсиз ва ўртача даражада бўғим ва мушак оғриқларида:

- бел оғриги;
- невралгия;
- остеоартроз;
- бириктирувчи ва мушак тўқималарининг яллиғланишида (тендинитлар, миозитлар ва бурситларда) қўлланилади.

### **Қўллаш усули ва дозалари**

Суртма сиртга қўлланилади.

Оғриқли жойларга суртманинг 5-10 г ли (1-2 чой қошиқ) кичик порциялари билан суртилади ва оғриқнинг жадаллигига боғлиқ равишда суткада 1-2 марта оғриқ синдроми йўқолишига қадар териға ишқаланади. Даволаш курсининг давомийлиги касаллик табиати ва оғирлиги даражасига боғлиқ.

#### *Болалар ва ўсмирлар*

Болаларда препаратни қўллаш тажрибаси етарли маълумотлар учун ушбу ёш гуруҳида қўллаш тавсия этилмайди.

### **Ножўя таъсирлари**

Дори воситалар каби ушбу дори воситаси ножўя таъсирлар чақириши мумкин, аммо улар ҳаммада намоён бўлмайди.

Суртманинг компонентларига юқори сезувчан тери бўлган пациентларда унинг қўлланилиши қичишиш, шиш ёки эшакеми чақириши мумкин.

Ножўя таъсирлар пайдо бўлган ҳолатда даволашни тўхтатиш ва теридан суртмани ювиб ташлаш тавсия этилади. Санаб ўтилган симптомлар даволаш тўхтатилганидан кейин ўтиб кетади.

Ножўя таъсирлардан сақланиш учун препаратга сезувчанликни аниқлаш учун териға қўп бўлмаган суртмани олдиндан суртиш тавсия қилинади.

### **Қўллаш мумкин бўлмаган ҳолатлар**

- фаол моддаларга ёки ҳар қандай ёрдамчи моддаларга юқори сезувчанлик.
- Яралар ва бошқа тери касалликлари.
- Ўпка ўткир туберкулёзи.
- Бош мия ва коронар қон айланишининг бузилиши.
- Ангиоспазмлар юзага келишига мойиллик.
- Буйрак ва жигар функциясининг оғир бузилишларида.
- Ҳомиладорлик ва эмизиш даврида қўллаш мумкин эмас.

### **Дориларнинг ўзаро таъсири**

Дориларнинг ўзаро таъсири бўйича тадқиқотлар ўтказилмаган. ҳўғ

### **Махсус кўрсатмалар**

Суртма фақат сиртга қўллаш учун мўлжалланган.

Ножўя самаралар юзага келишини олдини олиш мақсадида терининг препаратга сезувчанлигини аниқлаш учун дастлаб кичик миқдорда суртмани териға суртиш тавсия этилади.

Суртмани шикастланган териға суртиш мумкин эмас. Кучли таъсир қилишини олдини олиш мақсадида суртма кўзларга ёки шиллиқ қаватларга тушмаслиги учун кузатиб бориш зарур.

Суртма цетостеарил спиртини сақлайди, у маҳаллий тери реакцияларини (шу жумлдан контактли дерматитни) келтириб чиқариши мумкин.

#### *Болалар ва ўсмирлар*

Болалар ва ўсмирларда препаратни қўллаш бўйича етарли маълумотлар мавжуд эмас, шу сабабли ушбу ёш гуруҳида қўллаш тавсия этилмайди.

#### *Ҳомиладорлик ва эмизиш даврида қўлланиши*

Ҳомиладорлик ёки эмизиш даврида хавсизилиги бўйича маълумотлар йўқлиги туфайли Випросал Б қўллаш мумкин эмас.

#### *Транспорт воситаларини ва муракаб механизмларни бошқариш қобилиятига таъсири*

Препарат транспортни бошқариш ва техник қурилмалар билан ишлаш қобилиятига таъсир қилмайди.

**Дозани ошириб юборилиши**

Шиллиқ қаватларга тушганида ва ўта юқори дозалар қўлланилганида суртма кучли ачишишни келтириб чиқаради.

**Нотўғри қўлланиши**

Суртмани ютиб юбориш қусиш ва диарея каби гастроинтестинал симптомларни чиқариши мумкин. Даволаш симптоматик амалга оширилади.

Тасодифан катта миқдорда ютиб юборилганида кўнгил айнаши, қусиш, қоринда оғриқ ва бош оғриғи, бош айланиши, иссиқликни сезиш ҳисси/қизариш, тиришишлар, нафас сусайиши ва кома каби ўткир заҳарланиш симптомлари намоён бўлиши мумкин.

Оғир гастроинтестинал ёки неврологик симптомлари бўлган пациентларни кузатиш ва даволаш симптоматик амалга оширилади. Қусишни чақириш мумкин эмас.

**Чиқарилиши шакли**

30 г, 50 г ёки 75 г дан алюмин тубаларда. 1 тубадан тиббиётда қўлланилишига доир йўриқнома билан картон қутига жойланган.

**Сақлаш шароитлари**

25°C дан юқори бўлмаган ҳароратда сақлансин. Музлаткичда ва музлатиш камерасида сақланилмасин. Болалар ололмайдиган жойда сақлансин.

**Яроқлилик муддати**

3 йил. Ўрамида кўрсатилган яроқлилик муддати тугаганидан кейин қўлланилмасин.

**Дорихоналардан бериш шартлари**

Рецептсиз.

**Рўйхатга олиш гувоҳномасининг эгаси:**

«Гриндекс» АЖ.

Крустпилс кўчаси, 53-уй, Рига, LV-1057, Латвия

Телефон: +371 67083205

Факс: +371 67083505

Электрон почта манзили: [grindeks@grindeks.lv](mailto:grindeks@grindeks.lv)

**Ишлаб чиқарувчи:**

Таллинн фармацевтика корхонаси АЖ.

Тонди кўчаси, 33-уй, 11316 Таллинн, Эстония.

**Ўзбекистон Республикаси ҳудудида дори воситаларининг сифати бўйича эътирозларни (таклифларни) қабул қиладиган ташкилотнинг номланиши ва манзили**

Ўзбекистон Республикасида "Гриндекс" АЖ ваколатхонаси

100000, Тошкент ш., Мирзо-Улугбек тум., Мирзо-Улугбек кўч., 25,

Бизнес Центр "ATLAS BUSINESS TOWER", 2 этаж, 202 каб.

тел.: +998 71 2028807; моб: + 998 97 2659000